

欽定剿平粵匪方略

欽定剿平粵匪方略卷二十七 癸丑年

二月初一日 丙子 李德奏言 臣查曹州府屬之曹

單二縣南與豫省接壤以黃河爲界 臣由曹縣  
親歷河隄上下游詳細履勘各處河面雖寬狹  
不等要皆橫流洶湧實爲天塹賊匪由豫入東  
非有渡船兼素習操船之人斷不能投輓徑渡  
詢諸土人平時來往商船爲數甚少兩縣濱河

地勢綿亙二百數十里各有大小渡口而喫緊在曹縣之劉家口爲豫東兩省必由之津次則單縣之董家口亦有附近商民私相濟渡臣已飭將各處大小渡口船隻歸併劉家口董家口二處不准別口私渡並於該處遴派文武員弁帶兵常川駐紮日夜巡查設遇賊蹤漸近則將渡船並外來商船盡收北岸以兵扼守要津至

曹屬西與直隸大名府屬開州東明長垣等州  
縣毗連東與江南豐沛銅山等縣接壤經臣派  
委候補道劉慶凱等於曹單等處將稽查私渡  
搜捕土匪之事就近督辦並與曹州鎮臣三星  
保挑選精兵一千名聽候應用仍令該鎮不時  
親赴邊界督查其兗沂兩府與江省接壤地在  
黃河以北同江省之豐沛邳宿各處皆屬平川

無險可扼江省如能於淮徐兩府濱臨大河南  
北兩岸各州縣將私渡歸併大渡派員認真稽  
查不使土匪往來偷渡勾結則兩省藩籬自固  
東省兗沂兩府現在情形惟有嚴搜土匪安戢  
流民使內患不興則外患自可設法堵禦該二  
府距省亦遠臣派兗沂曹濟道厲恩官駐紮於  
嶧滕蘭郟四縣適中之處往來稽查一切撫恤

災黎防緝匪犯均責成該道認真督辦並商兗  
州鎮臣百勝挑選精銳弁兵以備不虞兗曹二  
鎮現存之兵散在各營汎地實形單弱臣前已  
飭蘭鄆兩縣雇募壯勇六百名茲查荷澤曹單  
嶧滕均屬要地應請與蘭鄆等縣各雇募壯勇  
三百名隨營團練所需口糧經費仰懇

聖恩俯准作正開銷議定章程刊發各屬認真辦理奏

八

上命軍機大臣傳諭李德曰曹郡河隄飭將各渡口船隻歸併曹縣之劉家口單縣董家口二處不准別口私渡其兗沂兩府派屬恩官駐紮要地認真查辦並令總兵百勝帶兵嚴防籌辦均屬妥協現在逆匪竄擾安徽一帶山東防堵緊要李德仍須出省前往扼要處所擇地駐紮庶鎮道有所稟承防守愈形嚴密

至所請雇募壯勇勸諭團練均著認真辦理

上又命軍機大臣傳諭楊殿邦楊以增曰堯沂兩府與  
江省接壤豐沛邳宿等處皆屬平川無險可扼淮徐  
兩府濱臨大河南北兩岸緊要渡口必須一律防範  
著楊殿邦楊以增飭令該州縣將私渡歸併大渡非  
有官票不准偷渡兩省合力嚴查毋任土匪往來勾  
結現在逆匪已陷安慶省城江北情形緊急淮揚尤



爲喫重且豐工不日合龍遣散夫役被難窮民均宜  
設法彈壓該督等務宜遴派幹員認真妥辦南防江  
口北扼黃河毋令奸匪涵跡

同日駱秉章奏言武漢兩府在城守土文武各  
官多已殉難內訪查確實尋獲屍身者如前撫  
臣常大瀛學臣馮培元按察使瑞元漢黃德道  
王壽同丁憂鹽法道王東槐武昌府知府明善

武黃同知周祖銜署江夏縣知縣繡麟均據各親屬家丁認明已妥爲棺殮惟前布政使梁星源署鹽法道候補道林恩熙漢陽府知府董振鐸各屍身徧尋無獲訪得該故員等被害甚烈實爲可慘臣已飭屬再行多方查認此外殉難文武各員尙多並有闔門捐軀遇害者容逐一查明妥爲料理奏入

上諭內閣曰駱秉章奏查明武昌漢陽殉難官員等語  
湖北學政光祿寺卿馮培元著追贈侍郎銜卽照侍  
郎例賜卹應得卹典該衙門察例具奏湖北布政使  
梁星源按察使瑞元漢黃德道王壽同丁憂鹽法道  
王東槐署鹽法道候補道林恩熙武昌府知府明善  
漢陽府知府董振鐸武黃同知周祖銜署江夏縣知  
縣繡麟著各按官階均加一等賜卹常大渥馮培元

梁星源以下各官均著於各該地方建立專祠以慰忠魂其有閭門殉節之家屬幕友著該督撫查明奏請附祀此外殉難文員及武職大小員弁著該督撫迅速詳查具奏候朕優加恩卹

同日張亮基奏言臣行抵湖北省城查武漢兩府自粵逆攻陷後流寓土著各紳民商賈或全家遇害或男婦被擄屍骸徧地慘痛難言城內

房屋燒燬殆盡臣現與署撫臣商辦撫綏各事宜如修補城垣收殮骸骨撫恤難民安置流亡嚴治土匪並查明殉難文武官紳士民婦女及失守地方文武下落卽次第趕緊辦理以慰

宸廑奏八

上諭內閣曰賊匪竄擾武昌攻圍卅月官紳士民嬰城固守迨至城陷之後慘遭焚掠深堪憫惻著張亮基

略秉章將現在存城老幼男婦並被擄逃回各丁壯  
加意撫恤一面掩埋屍骨安集流亡招致商民嚴懲  
土匪毋令一夫失所漢陽收復之後蹂躪凋殘亦與  
省城大略相似其應派員前往撫綏之處著該署督  
撫妥爲籌辦

初二日 丁丑 祥厚陸建瀛霍隆武福珠洪阿奏言

臣陸建瀛馳赴安徽太平府在東西梁山察看

情形太平府爲由安徽入江甯省城東路飭該署府潘鐸基召募鄉勇一千名備防由采石磯而進江甯鎮爲江甯省城門戶飭江甯府魏亨達等亦募鄉勇一千名備防龍江關安水勇五百名上河安商勇一千二百名布置已定仍回省城會辦防務詎本月二十五日三更後賊船在太平府四合山順流而下二十六日辰刻福

山鎮總兵陳勝元督飭官弁兵勇分駕艇船迎敵打沈逆船三隻餘匪隨退追至蕪湖見逆船蔽江而下兩岸均有匪黨由陸路前進各船開礮攻擊打沈逆船二十餘隻逆匪沈斃者不計其數兩岸匪黨亦被礮擊傷無算攻至酉刻天晚風息不能前進乃該逆於戌刻乘流復下我兵攻擊多時陳勝元中礮落水殞命江甯省城



喫重防守最爲緊要現在旗綠各兵合計不過  
五千名而所調外營及山東兵丁均無來信臣  
陸建瀛前募之勇亦未到齊惟有額懇

天恩俯念省城要地南北咽喉東南財賦之區重大過  
於他省迅飭向榮琦善陳金綬等飛速馳赴江  
甯以保危城惟江甯省城周圍九十餘里防守  
尤難現在兵力旣單臣等不敢拘泥原奏總以

登陴固守爲要俟向榮等兵到後再行分布城  
內外儘力攻剿奏入

上命軍機大臣傳諭祥厚福珠洪阿霍隆武曰逆船已  
至蕪湖一帶勢甚猖獗東西梁山去蕪湖甚近該處  
設有重兵水陸兼防著祥厚督飭在事將弁竭力堵  
禦如迎剿得手卽一面續派水陸兵勇前往接應向  
榮如已馳抵梁山著卽會同協力抵禦力遏其下竄

之路江甯省城旗營綠營各兵紳民團練此時若協力同心衆志成城亦可禦災捍患誓卽傳旨曉諭務當嬰城固守嚴查奸細以待外援向榮統帶大兵馳抵省垣則聲勢更壯人心益固祥厚等卽當督同城內紳民兵勇及城外駐紮各兵堵剿兼施殄此醜類如此時向榮尙未趕到或前途文報阻隔著將此旨選派健壯繞道馳遞向榮軍營迅催赴援

上又命軍機大臣傳諭向榮曰賊船由太平府四合山順流而下福山鎮總兵陳勝元中礮落水殞命現在江甯省城十分喫緊合計旗綠各營兵丁不過五千名而所調外營及山東營兵並前募之勇均未到齊難資守禦該大臣當速赴江甯督率鎮將極力防剿勿稍遲延

上又命軍機大臣傳諭楊以增福濟陸應穀曰現在逆

匪竄入安慶被難窮民紛紛逃避難保無奸匪潛跡  
其中希圖渡黃北竄東南兩河緊要各渡口必應一  
體防範稽查著楊以增福濟陸應穀飛飭所屬將各  
處渡口歸併大渡非有官票不准私渡並委幹員前  
往協同該管各官實力巡查遇有南來難民妥爲曉  
諭毋令渡河均於南岸安插撫恤或由該地方官資  
遣回籍如查有奸宄潛潛卽嚴拏懲辦此事最關緊

要萬勿稍存大意

上諭內閣曰逆賊船隻由太平府四合山順流而下福  
山鎮總兵陳勝元等帶領兵勇迎剿擊沈逆船三隻  
餘匪隨退官兵追至蕪湖逆船蔽江而下兩岸均有  
匪黨由陸路前進各船開礮擊沈逆船二十餘隻沈  
斃逆匪不計其數兩岸匪黨亦被礮傷逆船乘流復  
下陳勝元中礮落水殞命陳勝元著加恩追贈提督

銜卽照提督陣亡例賜卹以慰忠魂傷亡水勇一併  
查明咨部議卹

同日周天爵奏言查賊現破安慶廬州鳳陽必  
不能守臣一面札飭廬鳳潁道奎綬將庫儲一  
切款項胥解宿州陸續搬運徐州備北來大兵  
之用臣料逆賊竊踞江甯必以鳳廬爲屏蔽正  
陽關臨淮關二處必有賊兵埋伏此時此勢實

關天下安危凡有自北省調到之兵臣皆截留  
以備防剿之用又江北旣用東三省兵由中路  
進剿江南急須調生力軍由水陸兩路夾攻臣  
查廣東兵勇皆大可用相應請

旨飭下兩廣總督速選水陸兵各一千名外募義勇各  
二千名一起渡嶺由江西鄱陽入大江截其歸  
路一起航海入江駐紮圖山鵝鼻嘴一帶截賊



前路卽令水師提臣洪名香等管帶前來首尾夾擊而我東省大兵直出中路不難轉危爲安更請

飭江西湖南廣東督撫臣等採辦毒藥物料三十萬斤歸臣製造備用奏入

上命軍機大臣傳諭周天爵曰逆匪攻陷安慶其北路廬鳳一帶最關緊要陳金綬統帶大兵前往此時計

已馳入皖境卽著該撫遣人迎催扼要駐紮與現在所集兵勇會合一處力堵逆匪北竄之路並知照琦善趕緊督兵前來接應仍密爲訪查如琦善有故意逗留情事卽行據實奏聞東三省官兵素稱勁旅若調度有方必可得力其吉林官兵已由河南前赴安徽黑龍江官兵現今改道由山東徑赴安徽一帶路途更爲便捷此項官兵卽著該撫先行酌量扼要地

方妥爲布置不可以有用之兵置之無用之地廬鳳道庫現存銀兩若干此時是否業已運至徐州萬不可有疏失江甯城大兵單待援甚急且係東南最要省會若能保全於大局極有關係如賊匪全力直撲江甯陳金綬之兵仍須渡江援應不可置江南於不顧也

上又命軍機大臣傳諭葉名琛柏貴曰逆匪連檣東下

安徽省城失守其下游江甯一帶尤形喫重著葉名琛柏貴卽選派水陸精兵二三千名或由江西鄱陽湖入江或由海道入江並著派大員管帶迅速前赴江南以助攻剿並著派員採辦毒藥物料堪備火攻之用者迅解安徽交周天爵備用

上諭內閣曰周天爵著補授安徽巡撫所有現在應行防剿撫綏及地方一切事宜著該撫盡心籌畫無誤

事機

同日翰林院侍讀學士宋晉奏言賊匪水陸南下皖江失守東南大局幾不可問向榮統帶大兵繞道行走不知能否趕出賊先而後路無跟追勁旅亦難收合剿之功因思新授壽春鎮總兵鄧紹良前在湖南守城時極著聲威又新授湖北臬司江忠源謀勇兼裕屢有戰功聞所帶

兵勇均爲得力應請

旨令鄧紹良江忠源幫辦軍務卽令鄧紹良仍帶鎮守  
之兵江忠源仍帶舊部兵勇迅速覓船順流東  
下緊躡賊蹤與向榮前後合剿庶冀賊氛迅掃  
東南一帶不致蔓延奏入

上諭內閣曰新授湖北按察使江忠源壽春鎮總兵鄧  
紹良著各帶親信兵練速赴江南向榮軍營聽候調

遣

同日

上諭內閣曰太常寺少卿雷以誠翰林院侍講學士晉  
康著前往南河會同楊以增巡查黃河口岸詹事府  
少詹事王履謙著前往東河會同福濟巡查黃河口  
岸山東沿河各岸業經巡撫李德派員查辦其河南  
一帶並著陸應穀會同稽查無稍疏懈

初三日戊寅祥厚霍隆武奏言江甯省城周圍九

十六里旗營甲兵閒散三千九百餘名經霍隆  
武帶領旗兵一千名福珠洪阿及總兵程三光  
各帶兵一千名駐紮城外互爲犄角之勢省標  
綠營兵丁無多前調山東兵二千名尙未接到  
起程日期城內兵力太單經督臣陸建瀛商同  
臣等將福珠洪阿帶領本標兵二百名進城協



防霍隆武亦撤回城內除派旗兵二千三百名  
分守城上及添撥龍廣山扼要防守外下餘旗  
兵於城內適中地方分紮三營以備何城有警  
卽行策應刻下賊氛逼近城大兵單防禦萬分  
危迫惟有仰懇

天恩迅催向榮琦善陳金綬兼程抵甯協勦並請

飭下李德飛催前調山東官兵趕緊星馳來甯以資協

勦

同日楊文定文藝奏言臣楊文定因鎮江辦防  
未能妥速奏明於二十一日馳往督辦於二十  
三日抵鎮江城內外遷徙一空隨與臣文藝晤  
商城內有旗兵一千三百名城守營兵三百名  
京口協師船十隻又調到協標河標等營兵各  
五百名至設礮防險修城置械以及一切守禦

之具詢之府縣僉以蘇藩司撥銀未到無從措辦臣楊文定先經奏明截留丹陽漕糧解鎮濟用一面札飭蘇藩司催令解銀委員兼程趲行臣等隨時登城周歷履勘見西南東三面羣山環繞北面濱江近城處又有北固山峙其上是城內宛如釜底防守實難再三斟酌惟有守險之一法當商同派撥協領管帶旗兵五百名於

北固山據守京口師船於金山下排列山上派  
京口標兵五百名設防金雞嶺先派鎮江營兵  
三百名前往俟河標等營官兵五百名到齊卽  
令赴金雞嶺更換城守兵三百名回城守禦以  
資熟手現在仍委員前赴各沙洲招募洲民前  
來城內協守儻能練集千餘人亦略備防守之  
用統由臣文藝酌量調派惟晝夜輪替挑補游

兵此數斷不足恃然實已無可再增惟求

皇上嚴飭帶兵各大臣繞前迎擊勿使順流而東再蕪湖爲江蘇全省水陸總隘東壩乃入蘇捷徑並形喫重蕪湖屏蔽旣撤東壩必須添設重防第無兵可增臣楊文定擬卽親往相度是否有要隘可守並飭令委員雇募糧船水手前往堵禦容俟勘明再行具陳均奏入

上命軍機大臣傳諭祥厚福珠洪阿霍隆武文藝楊殿  
邦楊文定曰逆船連檣東下江甯防堵十分喫緊各  
路援兵計日均可趕到該大臣等務須激勵弁兵及  
圍城紳民竭力固守以待救援楊文定旣退赴鎮江  
今又以東壩爲入蘇捷徑復擬親往堵禦東壩地方  
原亦緊要該撫統轄全省何處喫緊卽在何處設法  
堵截朕亦不爲遙制儻但謀退守任賊闖入以致民

遭荼毒惟執法從事決不姑寬現在逆船蔽江而下輜重均在船中著祥厚楊殿邦楊文定文藝及該省藩臬以下各員趕緊出示曉諭本地紳民團勇人等有能搶獲賊船者除軍器火藥繳官外所有船上貨財貨物盡行賞給搶獲之人以示獎勵其有雇覓船隻焚燒賊船及撿斃長髮頭目者該大臣等卽行奏請破格施恩俾人人感奮賊燄自消

同日向榮奏言逆匪竄越九江順流直下臣於  
十四日紮營九江城外旣因無船不能渡江又  
因兵勇疲乏過甚延至二十日外方先後到齊  
因與各鎮將籌商分由水陸追剿直躡賊蹤當  
經飛咨撫臣張芾由南昌省河趕緊雇覓大船  
數百隻如不足數將回空糧船百隻卽日放下  
九江分撥大兵六成先行渡江從陸路趕緊追



襲臣一俟船到卽親督全隊兼程前進庶可水陸兜擊竊意逆匪下竄不特安慶萬分喫緊江南亦全省震動若下游能扼險攔截追軍一到卽可會剿以遏賊鋒逆匪銀糧輜重盡在船中該逆斷不肯棄舟從陸我兵非戰船不能痛加懲創昨聞上海泊有火輪船上海道吳健彰於海上情形最爲熟習現已飛札該道配齊拖罟

三板等項戰船督赴江南聽候調遣又聞溫州  
洋面有頭蟒船及拖罟大爬等項均屬船堅礮  
利但未識船有若干礮勇多寡臣已飛飭溫州  
鎮總兵查明前項船隻委水師得力大員統帶  
前往江南會剿一面飛咨督臣陸建瀛及閩浙  
總督浙江提督查明二項戰船飛飭妥速辦理  
以期水面攻剿得力其逆船過多宜於火攻四

川富順縣所產井油點燃入水不滅燒船尤爲  
神物並川省所造鐵火箭亦爲軍前利器臣飛  
咨四川督臣迅速酌量解運來營以資利用至  
軍營官兵較多於一切籌備軍餉軍火派隊打  
仗稽覈功過均屬最要之事臣雖竭力籌辦究  
恐耳目難周茲查綏靖鎮總兵和春涼州鎮總  
兵馬龍隨臣軍營日久於緩急情形尙能曉然

現派該總兵等充當行營翼長期收指臂之助  
又查潮勇一項曠悍不馴現在隨營之潮勇二  
起共二千四百餘名業已陸續隨到九江臣現  
咨商撫臣張芾於江西州縣丞倅中無論實任  
候補如籍隸潮州者速派數員來營分起管領  
設法遣撤一面收回器械一面酌給路費俟委  
員到時責成管束能撤至廣東交界地方或可

不致復來其捷勇提標五項壯勇內有未能得力者現飭帶勇各員極力挑選將怯弱者概行撤去庶勇歸實用餉不虛糜其陸路追擊之兵業已渡江前進臣俟催到船米餉銀卽趕緊督兵進發相機勦捕

向榮又奏言查逆船東竄臣督兵追擊途中諜報並無賊用木簞堆垛之事惟賊船有二千餘

隻之多在武昌省城得大礮二百數十位其由  
岳州下巢湖九江所得之礮自亦不少是該逆  
船礮俱多此刻勦捕非用戰船不能挫其兇鋒  
故臣於浙江溫州江蘇上海等處調集水師戰  
船俾得水陸夾攻殲茲醜類臣卽日督兵馳往  
前途再行相機籌辦奏入

上命軍機大臣傳諭向榮曰江甯望援甚急疊經降旨

令向榮統帶大兵兼程馳赴江甯會合夾擊何以二十六日該大臣尙在九江張芾雇船六十餘隻並借用糧船載兵渡江諒早已駛到九江著該大臣卽統帶大隊精兵揚帆東下迅抵江甯相機進剿潮勇爲害地方實堪痛恨應如何分作數起設法遣散或相機懲辦儘可便宜行事毋致養癰貽患刻下軍情緊急江甯省城關繫東南大局總期迅赴江南與將軍

祥厚勳力同心滅茲醜類此時安徽一帶琦善陳金綬之兵計可先後趕到惟江甯鎮江等處專待向榮一軍赴援萬不可遲誤致失事機

上又命軍機大臣傳諭張芾曰逆匪竄入安徽省城賊船數百隻順流而下江甯情形緊急向榮駐紮九江需船甚急前奏雇船六十隻並借糧船應用想已催趲前進無誤事機向榮所帶潮勇沿途滋擾現已咨



商該撫派員來營管領遣撤並著設法妥速辦理免致別滋事端

同日陸應穀奏言安徽省城失守永城與安徽亳州江南碭山毗連距皖省不過數十里賊匪旣至安慶防禦不可稍疏臣前派護河北鎮崇安管帶之兵一千名尙可挪移臣已飛札往調令其星夜趕至永城擇要駐紮並派開歸道林

聞  
揚祖先行馳往查看布置 臣現抵南陽先將土匪事宜趕緊辦理完竣迅卽馳赴歸德一帶查看如果賊情緊急再行調兵堵截奏入報

初四日 己卯 楊殿邦奏言 臣於本月二十五日馳

抵瓜州江口派令各弁兵同瓜州汛兵在大小兩口扼要防守京口爲蘇常咽喉亦關緊要正

擬渡江與文藝會商布置准江蘇撫臣楊文定  
來咨知陸建瀛退保江甯省城楊文定亦由省  
移紮鎮江臣思瓜揚一帶水陸兩路防不勝防  
京口與瓜州雖祇隔一江而南北相距四五十  
里設有緩急勢難兼顧現有撫臣駐紮籌防臣  
卽日渡江與都統撫臣會商後卽當馳回瓜揚  
專力防守北岸彼此聲援較爲周密臣嘗親赴

瓜州上游之儀徵縣水陸各處查看類皆平衍  
散漫無險可扼籌辦防堵較之安慶江甯鎮江  
各處尤非易易全在上游防勦得力方無貽誤  
現雖委員招募壯勇團練糧船水手並雇募廣  
艇水摸以便分守水陸各口而經費不敷一時  
未能齊備況地方遼闊兵力甚單若不添調精  
兵斷不足以資捍禦相應請

旨飭下浙江福建山東各撫臣迅速各調精兵二千名  
派鎮將大員統領管帶兼程馳赴瓜儀客臣擇  
要派防並請

飭下江南提臣暨福山鎮臣飛調水師營兵一千名由  
各營將弁帶同三板船隻配足礮械駛至瓜儀  
江面巡防俾得水陸兼防與鎮江互爲犄角庶  
不致有疏虞

楊殿邦又奏言 臣查徐州鎮標弁兵係奉

聖謨指示調撥現在徐州地方尙稱安謐自應趕緊挑  
選飭令迅赴防所況逆匪分竄東下瓜揚爲南  
北咽喉重地較之上游各處尤爲喫緊 臣日盼  
所調各兵趕到以資捍禦乃該鎮道竟以巡緝  
地方爲詞抗不發兵實屬不知緩急相應請

旨飭下南河督臣徐州鎮臣迅挑弁兵二百四十名飭

續文獻通考卷三十一  
三十一  
令兼程馳赴瓜州聽候派防奏入

上命軍機大臣傳諭楊殿邦楊以增楊文定曰江甯勢甚危急下游瓜州京口爲南北咽喉均極喫重楊殿邦旣已馳抵瓜州必須扼要設防方爲嚴密山東爲京師屏蔽節據李德奏稱該省官兵不能再行調撥此時防守河口需用孔殷惟安徽省前調浙江山東官兵尙有在途未到者卽著楊殿邦楊文定查明催

調前赴揚州之儀徵瓜州各口與陸路上游各要隘  
迅爲布置防守並據李德奏挑兵二千名限正月二  
十一日以後起程前赴江甯著該漕督巡撫酌量緩  
急如江甯省城向榮大兵已到即可將此項兵丁調  
至江口上下以備防勦豐工現已合龍著楊以增飭  
令徐州鎮迅卽揀調該標得力官兵五百名前赴瓜  
州江口交楊殿邦撥用毋稍遲誤其江西撤回之漕



標兵四百名亦可調用楊文定已赴東壩所有鎮江  
防守事宜仍著楊殿邦與文藝熟籌兼顧和衷商辦  
務與楊文定聯絡一氣互相策應江甯省城由句容  
至丹陽可以越過鎮江而蕪湖東至高淳由東壩經  
溧陽宜興又係入蘇之路該逆詭計百出尤須豫爲  
密防該撫親往東壩相度有無險要可守著妥速察  
覈地方形勢卽行辦理至福山鎮水師營兵是否尙

敷徵調仍著該漕督等酌量妥辦所有上海商船會  
否由該道吳健彰雇募由海入江以資攻剿其沿海  
港汊商漁船隻及崇明寶山鳥船尤須及早收用或  
飭令收藏僻處無爲賊得

又命軍機大臣傳諭怡良王懿德曰現在賊匪攻陷  
安慶順流下駛江甯省城危急瓜州鎮江爲南北咽喉  
該處兵力極單不敷防守著怡良王懿德迅卽於

福建省各標營內揀派得力精兵二千名派委勇幹將弁管帶配足軍裝器械飭令迅速起程由浙江行走徑赴江蘇交揚殿邦調遣此次揀調務須實在得力足資禦侮者方爲妥善所派將弁尤須平日講求訓練約束嚴明者飭令管帶不得以遵派起程一奏塞責並須嚴飭該帶兵官員兼程趨行毋得稍事逗留沿途滋擾

同日張芾奏言提臣向榮現經奏請於江西省就近設立總局多委幹員接辦支應查有隨辦防堵之前任長蘆鹽運使彭玉雯膽識俱優實心任事前在直隸辦理軍需例案熟悉又江西鹽法道熊莪才具開展操守清廉支放錢糧必能詳慎該二員堪以委令總司行營糧臺事宜其餘隨員均由該二員會同藩司揀派並咨提

臣向榮酌留廣西糧員數人以資熟手其陸續  
轉運事宜仍由省局藩臬兩司籌畫源源接濟  
抑臣更有請者兵至某省卽應由某省支應一  
切較爲順手賊匪在安徽省以上滋擾則糧臺  
仍應在湖口彭澤等處若賊已東竄則官兵追  
賊過安徽省城江西總理糧臺之員於彼處人  
地生疏乎應不靈自應由安徽委員採買接辦

方臻妥協惟事機早晚不同如皖省保全無事  
請卽由皖省接辦免致越境搬運諸多窒礙有  
誤軍行儻皖省有被擾被陷地方其勢不能兼  
顧者臣惟有隨時函商向榮權宜覈辦斷不敢  
諉卸干咎奏入

上命軍機大臣傳諭張芾曰現在大兵馳抵江南需用  
糧餉自應就近於江西設立總局多委幹員經理方

不致貽誤既經該撫派令前任長蘆鹽運使彭玉雯  
江西鹽法道熊莪總司行營糧餉著卽設立總局飭  
令妥速籌辦如廣西糧員內有可留用者准酌留數  
人以資熟手至所稱賊已東竄應由安徽委員接辦  
等語現在安慶失守鄰郡戒嚴正防堵喫緊之時恐  
於糧餉事宜未能兼顧彭玉雯仍著會同熊莪商辦  
一切無論大軍行抵何處所需糧餉責成該員等沿

蒙古馬隊兵三千名交熱河都統照料統計馬  
隊兵共一萬名距京均五百餘里一有緩急五  
六日間卽可到京以便調遣至所調馬匹卽調  
察哈爾官馬二萬匹以防倒斃疲乏之用再直  
隸黃河以北防守尤關緊要請

飭訥爾經額確察地方情形添派精兵駐紮彈壓旣可  
防逆匪北竄亦可爲琦善聲援奏入



上諭內閣曰惠親王等奏請添派重兵前往剿賊著大學士軍機大臣九卿會同戶部速議具奏至該部各項例發經費內應如何酌量裁減以備軍需之處著一併議奏

同日

上諭內閣曰軍興以來已越兩年逆匪自粵而楚攻陷州郡蹂躪地方吾民顛沛流離深堪憫惻現在賊自

九江東竄安慶失守民間遷徙蒼黃遭罹兵燹春耕  
將及力作未遑瞻念南邦實深廬繫所有江西安徽  
沿江一帶被賊擾害各州縣應徵新舊錢糧著各該  
督撫確切查明迅速奏請蠲緩其附近地方雖與被  
兵處所稍有不同而警報頻聞民難安業著一併查  
明分別奏請恩施